

九通提要

九通提要卷十二

仁和柴紹炳虎臣纂

海防考

海之有防歷代不見于史冊有之自明代始而海之嚴于防自明之嘉靖始蓋周漢之際于海收魚鹽之饒晉唐以降于海通番舶之利雖間有寇盜竊發旋亦蕩平如晉安帝隆安以後孫恩盧循徐道覆相繼扇亂自廣南沿及內地蹂躪最酷爲劉裕討平之至元初橫挑海鬻范文虎之師敗于日本倭焉啟疆于斯肇焉至正戊子間方國珍爲亂于台州盤踞海上官兵皆不戰而敗時朝議恐爲海運之梗招安之授海運千戶旣而再叛旋撫卒不得其要領明高帝有天下乃削平之洪武中又以日本通貢不常時有侵犯特詔信國公湯和經理沿海爲之築城列戍自登萊至浙沿海凡五十九城民丁四調一爲戍兵其備禦幾于萬里大爲衛置軍四千次爲所置軍一千又次爲巡檢司置弓兵約百人所在置有數百料大船八櫓哨船若風尖快船高把哨船十繫飛船凡五等如定海昌國貢道所經切近彼島則船數倍蓰他處而以時出哨各有限準如三月爲頭哨四月爲二哨五月爲三哨號大汛至六月收港避風及秋七八

九月亦如前爲小。至各港次舉所。則又設有水寨營柵以止舍之。而統指揮千百
汛汛畢回衛休息。戶鎮撫總以閩職督以憲臣。所以爲先事之防密矣。自是累朝貢掠相間。幸無大
創。朝廷亦徒羈縻不絕而已。嘉靖初。以市舶忿爭。失于調劑。又奸豪挾詐。攫其貨
而不酬。使倭酋蓄恨甘心一逞。于是汪五峰徐碧溪毛海峰之徒。因而勾之大肆
焚劫。始于浙東。旣而瀕海郡縣所至殘破。其後乃遣都御史王忬巡視兩浙兼領
漳泉興福四郡。以都指揮俞大猷湯克寬爲浙閩叅將。漸次勦禦。未幾復熾。尋以
御史胡宗憲爲總制。宗憲計擒賊首汪直。浙西江東稍安。而賊焰從此寢息矣。崇
禎時。又有劉香老鄭芝龍輩。陸梁海濱。大都閩廣諸郡尤被其毒。數年勦賊無功。
其後芝龍就撫。香老擒死。始獲小康。云迹夫海上列戍。本以備倭。而倭故無心入
犯彼所。利在互市。但官司約束無方。致生警隙。復有奸民從而鼓煽。其間則兵端
一啟。不可立平。故知備倭實所以備賊也。備賊與倭情形相爲表裏。今計其要略
如左。按沿海自廣東樂會縣接安南界起。至九猴山爲饒平縣界。計五千里。抵福
建南澳山爲玄鍾所界。至大俞山三星山流江爲福寧州界。計二千里。抵浙江懸
中峰爲蒲門莊土二所界。至南海口馬蹟山北丁興殿前山淡水門爲乍浦所界。

計二千七百里抵南直隸三姑山爲金山衛界至孤者山爲石臼所界計一千八百里抵山東青沉峰界南半洋山爲昌黎縣界計一千二百里抵遼東北半洋山爲山海衛界至臨江爲義州界計一千三百餘里爲朝鮮界蓋分界無慮數百所延袤則萬里而遙焉若賊入寇則隨風所之東北風猛則由薩摩或由五島至大小琉球而觀風之變北多則犯廣東東多則犯福建正東風猛則必山五島歷天堂官渡而視風之變東北多則至鳥沙門分鯨或韭山海關門而犯溫州或由舟山之南而犯定海犯象山奉化犯昌國犯台州正東風多則至李西畧壁陳錢分鯨或由洋山之南而犯臨觀犯錢塘或由洋山之北而犯青南犯太倉或由南沙而入大江犯瓜儀常鎮其在大洋而風歟東南也則犯淮揚登萊在五島開洋而南風猛則犯遼陽天津此防汛者有大小之分蓋因時占風耳至于南北列戍各有要害尤當預計而習之廣東列郡者十分爲三路高雷廉近占城滿刺諸番烟烽希曠中路東莞東路惠潮皆寇不時出沒之地而東路爲尤要柘林則又東路控賊之門戶也無柘林是無水寨無水寨是無東路矣瓊州四面環海東西九百里南北一千一百四十里長山峻嶺三黎錯居其間而五指腹心盡爲黎據羣岡之中定安尤險福洋烽火門寨設於

福寧州所轄官井沙埕羅浮爲南北中三哨。後官井添水寨。則又以羅江古鎮分爲二哨。是在烽火官井。當會哨者五。小哩水寨設於連江所。轄閩安鎮北芟焦山等七。巡司爲南北中三哨。是在小哩。當會哨者三。日南水寨設於蕭田所。轄沖心蒲僖崇武等所司爲三哨。而文鴻港則近添設於平海之後。是在日南。當會哨者四。浯嶼水寨設於同安。上自圍頭以抵日南。下自井尾以抵銅山。大約當會哨者二。銅山水寨設於漳浦。北自金山以接浯嶼。南自梅嶺以達廣東。大約當會哨者二。由南而哨北。則銅山會之浯嶼。浯嶼會之日南。日南會之小哩。小哩會之烽火。而北來者無不備矣。由北而哨南。則烽火會之小哩。小哩會之日南。日南會之浯嶼。浯嶼會之銅山。而南來者無不備矣。八閩之地。兩面當海者二。興泉是也。一面當海者二。福漳是也。其要害地。如晉江深尾獺窟。興化沖心平海。龍溪海門。漳浦島尾南靖九龍寨溪是也。然福寧尤險。三面孤懸海中。如人吐舌舊寨設于州東北六十里三沙海面。後焦宏倡議築徒松山。今必復舊而後可。浙洋沿海舊設四總。今增四叅六總四叅者。杭嘉湖一。寧紹一台一。溫一。六總者定海。昌國。臨觀。松海。金盤。海寧也。防禦之制自內達外。有三重焉。會哨于陳錢。分哨於馬蹟。羊山普陀爲第一重。沈家門馬墓之師爲第

二重。總兵督發兵船爲第三重。定海者是寧紹之門戶。舟山者又定海之外藩。其地則故縣治也。爲里者四。爲畧者八十有三。五穀之饒。魚鹽之利。可供數萬人。不待給于外國。初置昌國衛于其上。屯兵戍守。信國經略海上。以其民孤懸徙之內地。改隸象山。識其小而未見其大矣。蘇松爲江南望郡。濱於大海。自吳淞江口以南。黃浦以東。海壩數百里。一望平坦。建議者曰。松江之有海塘而無港口者。則自上海之川沙南匯。華亭之青村。柘林。各設陸路把總以屯守之。而金山界于柘林乍浦之間。尤爲南浙要衝。特設總兵以爲陸路各將之領袖。又於其中添設游兵把總一員。專駐金山。往來巡哨。所以北衛松江而西援乍浦也。蘇之沿海而多港口者。如嘉定之吳淞太倉之劉家河。常熟之福山港。各設水兵把總以堵截之。崇明孤懸海中。特設叅將以爲水兵各將之領袖。又於其中添設遊兵把總二員。分駐行治營前二沙。往來巡哨。所以遠哨海洋而遮蔽港口也。外內夾符。水陸兼備。上之可以禦賊于外。洋下之可以巡塘而拒守矣。淮揚介江淮之間。東瀕大海。三面隄防。考其形勢。起自東南。蓼角嘴抵姚家蕩。綿延四百里。安豐等三十六場在腹裏。其外稱要害者。通州也。狼山也。楊樹灣裏河鎮也。餘東餘西等場也。蓼角嘴呂四場也。掘港新開港也。廟灣劉家

庄金沙場也。其尤要者曰新塲。爲其出入至近逼揚州也。曰北海。所爲其通新開港也。曰廟灣。爲其爲巨鎮而通海口也。設三把總以駐之。仍用陸路遊擊一員駐劉海安。則東可以控狼山。通州海門之入而西。可以捍禦揚州矣。鎮江水陸交會。自包港以西。迢迢二百餘里。河庄圖山皆寇可登泊之處。寇犯常州。必由河庄而入。江陰北枕大江。水陸間道。凡一十有三靖江孤懸江心。江海交通。總以京口爲留都之門戶。可不固乎。登萊突出海中。三面受敵。且危礁暗沙。不可勝數。故安東以北苦勞山。赤山竹篙旱門。劉公芝界。八角沙門。三山諸島。賊所必泊。而我所當備也。若白蓬頭。槐子口橋。雞鳴嶼。夫人嶼。金勞石倉。廟淺灘。亂磯。賊所必避。而我所當遠也。嗟乎。倭寇之警無常。而當事者無恃其不來。恃吾有以備之。蓋東南濱海之地。閩廣逼通。逃巨藪。江浙爲財賦要區。山東橫亘海上爲門戶。延袤一萬二千餘里。處處可犯。處處宜防。防之之法。一在遏之于遠洋。而使之不常厥居也。一在擊之于近洋。而使之不得旁岸也。一在據險固岸。而使之不得上一。一在堅壁清野。而使之無所掠也。然各有得失。其說可得而詳焉。蓋遠來侵犯。必于山島棲泊。會齊整櫓。方入近洋。如茶山。陳錢等處。爲入犯必由之徑。說者謂宜按汛立營。分番遠哨。使寇不得駐各島而爲依。

宿自不能遠各島而入內洋。豈非制敵良策。但大海茫茫波濤洶湧。而况風候向背。潮汐高下沙石起伏。洲渚驅阻。彼皆素所諳練。以我之迷。而蹈彼之危。能保必勝乎。則遏賊遠洋之未可恃也。若內洋山島如粵之南澳。閩之浯嶼。日南山。浙之舟山。江南之洋山。設兵以駐守。會哨以策應。則綜覈易而聲援便。乃海中所設之寨。雖因其名而實改建傍海之地。于是近洋無阻。而賊船可以達岸矣。則擊賊近洋之當講也。一至于不能禦之于海。則必以緊守海岸爲要策。夫沿海戍守之士。祗幸賊之不到其地。誰肯互相救援。爲保護之計者。夫賊舟泊岸。必擇無砂磧而可登之地。故聯艦設備。當先明其地之爲要衝。爲次衝。要衝之戍。專司守禦。次衝之戍。兼司策應。彼新至之寇。人衆飢疲。巢穴未定。擊之匪難。倘延入內地。縱盡殲之。所損多矣。苟一經闌入。而至以堅壁清野爲計。此出于勢之不得不然者也。所慮但知守城而城外之民棄而不顧。彼則飄突而來。原無攻城之志。旣已捆載而去。適合飽掠之心。而賊退之後。止以全城爲功。不以縱賊爲罪。彼安得不垂涎而再來。此安得不泄視而弛備也哉。若其勾引之當察也。接濟之當嚴也。所以絕內援以消窺伺之謀。而又招之以散其黨也。撫之以誘其來也。擣其穴以撲滅之也。所以摧外彊以泯滋蔓之圖。至造舟

刑制考

選卒利器集餉練習以時方略有素以之禦倭與寇無不可者海波其長晏然矣

古之聖王因天秩而制五禮卽因天討而作五刑刑者所以佐禮爲治天下之具也

舜典曰象以典刑流宥五刑鞭作官刑撲作教刑金作贖刑青災肆赦怙終賊刑欽

哉欽哉惟刑之恤哉其命臯陶也曰汝作士五刑有服五刑墨劓剕宮大辟也五服三就大罪就原

野大夫于朝士于市五流有宅五宅三居大罪流之四裔次九州外次千里之外惟明克允又曰刑期于無刑民

協于中而臯陶曰宥過無大刑故無小與其殺不辜寧失不經則用刑之中謫然忠

厚之至焉夏作禹刑殷湯制官刑皆率是道至紂肆其暴罪人以族焚炙忠良剗剔

孕婦又爲炮烙之刑醢九侯脯鄂侯是始與蚩尤有苗作五虐者同矣呂刑曰蚩尤始作亂作五

虐之刑始爲剗剔醢鄂而三苗效之此肉刑所昉周官大司寇掌建邦之三典以佐王刑邦國詰四方一曰

刑新國用輕典二曰刑平國用中典三曰刑亂國用重典以五刑糾萬民一曰野刑

上功糾力二曰軍刑上命糾守三曰鄉刑上德糾孝四曰官刑上能糾職五曰國刑

上愿糾暴又以圖土獄城也聚教罷民以兩造禁民訟以兩劑禁民獄以嘉石平罷民

以肺石達射民凡諸侯之獄訟以邦典定之卿大夫之獄訟以邦法斷之庶民之獄

訟以邦成弊之蓋其時武周制度以明慎用刑而爲司寇士師者又皆賢詰慈仁之長故百姓既懷且畏犯法者希史稱成康之盛刑措四十餘年不用非虛言也至穆王耄荒作爲贖刑然以當罪之疑者哀矜曲全君子有取焉降及春秋之世王道寢衰子產相鄭而鑄刑書晉叔向非之晉趙鞅賦鼓鐵以鑄刑鼎著范宣子所爲刑書亦見譏于仲尼魏文侯時李悝著法經六篇一盜法二賊法三囚法四捕法五雜法六具法蓋跡此而爲之耳嗣是韓任申子秦用商鞅連相坐之法造參夷之誅增加鑿顛鑊烹之刑傳及始皇刑益峻赭衣塞路囹圄成市至一世信李斯以督責爲尚刑者相半死人積于市以殺人多者爲忠臣于是天下愁怨並起而叛秦矣漢高祖初入咸陽與父老約法三章殺人者刑傷人及盜抵罪餘悉除秦苛法後以三章不足禦奸遂令蕭何定律令於李悝所造增事律擅興廐戶三篇合爲九篇叔孫通益爲傍章十八篇名漢法然其刑公卿大夫與士庶無等級猶習秦舊惠帝時乃令爵吏有罪皆頌繫又欲除三族罪妖言令議未決高后元年詔除之孝文元年又除收孥相坐律令及誹謗妖言罪時張釋之爲廷尉持議多平帝從之十三年遂下詔除肉刑移爲寬減是以刑罰大省至斷獄四百有刑措之風焉然始更當劓者笞三百

當斬左趾者笞五百。率多死。景帝時。乃益減之。已定讞。今自是笞者獲全。孝武卽位。窮民犯法。姦宄不勝。于是招進張湯。趙禹之屬。條定律令。作見知故縱。監臨部主及腹誹沈命諸法。緩深故之罪。急縱出之誅。禁網愈密。文書盈于几閣。典者不能徧睹。或罪同而論異。或吏因緣爲市。所欲活則傅生。議所欲陷則予死。比議者咸冤傷之。宣帝少長閭閻。知其如此。及卽位。因路溫舒上言。乃下詔爲置廷平。選于定國爲廷尉。黃霸爲廷平。季秋後請讞時。上常幸宣室齋居。獄刑號爲平矣。顧談者猶以趙蓋韓楊不得其死爲當時病也。元帝初元中。省刑罰七十餘事。除光祿大夫以下。保父母同產之令。迄哀平以來。代有矜恤之詔。然有司不能廣宣主恩。建立條例。徒鉤撫微細。以塞責而已。光武初。持節渡河。輒平遣囚徒。除莽苛政。卽位後。刑典每崇寬大。十二年。梁統疏請嚴刑。不報。已羣臣請增科禁。不許。明帝性察察。近臣至見提曳。窮治楚獄數千衆。因御史寒朗言。車駕自幸洛陽獄。理出枉囚。時天旱。卽雨。章帝承永平故事。吏政率尚嚴切。用尚書陳寵言。乃務寬厚。寵又代郭躬爲廷尉。復校定律令。刑法溢于甫刑者除之。其後順冲桓靈之世。戚宦用事。政刑不中。清議發憤。而黨錮之禍作。桓帝使中常侍王甫就訊黨人。范滂等皆三木橐頭暴于階下。後雖以天時

宜赦。放歸田里。然猶書名禁錮。靈帝不綱。陳蕃竇武欲誅宦官。反爲節甫矯詔所殺。于是諷有司奏諸鉤黨。相坐死者百餘人。妻子皆徙邊。株連者不可勝計。及獻帝時。黨禍乃弛。建安元年。應邵刪定律令爲漢儀。奏之。然是時綱紀日紊。業無所施矣。魏公操下令。欲復肉刑。陳羣首建議。以孔融不可而止。文帝受禪。又欲復之。會有軍事。乃寢。下怨毒殺人減死之令。明帝更定魏法制新律。晉承魏禪。命賈充等修律令。減梟斬族誅從坐之條。其他遇有減免。凡若干條。律令故事。帝親自臨講。并懸亭傳以示兆庶。懷帝永嘉初。除三族刑。元帝時。衛展爲廷尉。請復肉刑。格于王敦議。不行。明帝太寧中。復三族刑。惟婦人不及。安帝元興末。桓玄又欲復肉刑。斬左右趾之法。以輕死刑。蔡廓持不可。故卒已之。宋永初中。制諸敕吏四品以下。又府署所得輒罰者。聽統府寺行四十杖。三年詔刑罰無輕重。悉皆原降。及文帝義隆。武帝駿。明帝或相繼嗣統。所夷滅本支。誅殺大臣。蓋略盡矣。蕭齊一承宋法。梁武天監初。置肺石。函以達沈隱。令三亮等增損齊律舊本。定爲二十篇。時帝優惜朝士。有犯罪者。多屈法申之。而百姓則案之如法。其緣坐老幼不免。一人亡逃。舉家質作。有秣陵老人。遮車駕言。乃令老小質作者停送。後又專精佛戒。每斷重罪。則終日不懌。或謀反逆事覺。亦

泣而有之。由是貴近益橫。或白晝殺人于都街。上不能禁也。北魏主弘。勤于爲治。尤重刑罰。大刑多所覆鞠。或繫囚積年。羣臣多以爲言。上曰。滯獄誠非善治。不猶愈于倉卒而濫乎。夫人憂苦則思善。故智者以圖。圖爲福。堂朕特欲苦之。欲其改悔。而加矜恕耳。延興三年。詔自今非大逆外叛罪止其身。于是始罷門房之誅。至太和二十年。并除逋囚緣坐法。寬恤爲特至矣。陳文帝定制。春夏不斷死刑。周高祖命司憲大夫跋廼造大律十五篇。其制罪凡二十五等。至建德六年。又頒刑書要制。羣盜賊一匹。及正長隱五丁。若地頃以上。皆死。靜帝初立。以高祖制太重。更作之。旣而民輕犯法。乃更爲刑經聖制。用法益深。隋文帝代周。初行新律。後命高頴鄭譯裴政等。更加修定。乃采魏晉舊律。下至齊梁沿革重輕。取其折衷。自是法制遂定。後世多遵行之。十六年秋。詔死罪三奏然後行刑。尋以盜賊繁多。命盜一錢皆棄市。于是天下慄慄。非久罷此法。煬帝初政。頗矯開皇舊制。定大業新律。施行之。其後窮奢厚斂。民窮盜起。乃更立嚴刑。郡縣官各專威福。生殺任情矣。人情怨叛卒底于亡。唐之刑書有四。曰律令格式。律者。問刑科條也。令者。國家制度也。格者。百官有司所常行之事也。式者。其所常守之法也。凡邦國之政。必從事于此。

三者其有所違及人之爲惡而入于罪戾者一斷以律律之爲書因隋舊爲十有

二篇

一日名例二日衛禁三日職制四日戶婚五日廢庫六日擅興七日盜賊八日關訟九日詐僞十日雜律十一日捕亡十二日斷獄其用有五

答杖徒流死

各爲等差
答自十至五十杖自六十至百徒自一年至三年流自千里至二千里死刑有絞斬之分除其鞭刑及梟首

輾裂之酷又有議請減贖之法唐皆因之初高祖入京師約法十二條惟殺人却

盜背軍叛逆者死及受禪命劉文靜等損益律令頒新格五十三條四年躬錄囚

徒以人因亂犯法者衆多原之已又詔裴寂等更撰律令太宗卽位詔長孫無忌

房玄齡等復定舊令尋除斷趾法爲加役流帝嘗覽明堂鉞灸圖見人之五臟皆

近背遂詔罪人無得答背五年又詔死刑三覆奏已令五覆奏決日撤樂減膳其

留意欽恤如此時天下斷死罪二十九人至高宗以後格令之書不勝其擾趙冬

曦請更定科條使民易曉及永徽中武氏與政當時大獄以尚書刑部御史臺大

理寺雜按謂之三司而法吏以慘酷爲能僞周時益大誅殺以威天下乃盛開告

密之門命鑄銅爲匱以受天下表疏用索元禮周興來俊臣輩令按制獄而俊臣

與萬國俊共撰羅織經數千言網羅無辜自唐之宗室與朝廷之士日被告捕破

滅者殆數千家時惟司刑丞徐有功杜景儉獨存平恕被告者皆曰遇來周必死

遇徐杜必生及俊臣等誅死后亦老其禍稍弛焉。玄宗勵精政事。開元中號稱治平。人罕犯法。刑部所斷死罪五十八人。往時大理獄相傳烏鵲不棲。至是有鵲巢其庭樹。羣臣稱賀。以爲幾刑措。然明皇以讒戮三子。而李林甫爲政用羅鉗吉網。羅希夷吉等復起大獄。所誣陷者以百十數。廷臣徒諛詞耳。肅宗初。安史旣平。脅從者

相率待罪闕下。帝令降賊官以六等定罪。時論稱平代宗性仁恕。常以至德以來用刑爲戒。府縣寺獄無重囚。德宗猜忌少恩。然于用刑無太濫。憲宗元和中。詔除十惡。餘死罪皆流。奸民滋幸矣。穆宗亦慎刑。置參酌院。文宗謹畏好治。然閹宦肆孽不能制。至誅殺大臣。濫及尤賤。武宗嚴刻。詔賊滿千錢者死。宣宗立。乃罷之。嗣是刑罰失當。而唐室微矣。五代惟周世宗號爲英主。從所司議。編集大周刑統頒之天下。然用法太嚴。失于好殺。宋制矯之一代。最爲平恕。其制大都因唐律令格式。而隨時損益。至神宗時。乃更以勅斷之。曰勅令格式云。自五季衰亂。禁網頓密。太祖受禪。始定折杖之制。建隆三年。定大辟詳覆法。制大理寺詳斷。而後覆于刑部。凡諸州獄。則錄事叅軍與司法掾叅斷之。又懼刑部大理寺用法之失。別置審刑院。讞之。吏一坐深則終身不進。由是皆務持平。帝每親錄囚徒。專事欽恤。嘗歎

曰。堯舜之時。惟四凶罪。至投竄。何近代憲網之密耶。故大辟非情理深害者。多得貸死。令諸州獲盜。非狀驗明白者。未得掠治。擅掠者。論爲私罪。惟賊吏棄市。則未嘗容貸也。太宗詔自今長吏。每五日一慮囚。情得者。卽決之。復制聽獄之限。易決者。毋過三日。雍熙元年。令諸州十日一具囚帳。及所犯罪名。繫禁日數。以聞。已用儒士爲司理判官。淳化初。置諸州提點刑獄司。凡管內有疑獄未決。卽馳傳往聽之。真宗咸平初。從王禹偁請。諸州置病囚院。徒流以上有疾者處之。仁宗尤加意寬恤。卽位之初。詔內外官司聽獄決罪。須躬自閱實。刑部嘗薦詳覆官。帝記其姓名曰。是嘗失入人罪。烏可在法吏。又令杖制重無過十五兩。熙豐以後。柄政者設制律學。中選者補法官。意尚深刻。詔獄日起。坐累者衆。紹聖間。章惇蔡卞用事。起同文館獄。時以文彥博子及甫先與邢恕書爲証。欲坐以圖逆。將悉誅元祐舊臣。賴哲宗有詔弗治。徽宗時。刑法已峻。高宗建炎中。詔用政和遞減法。徽宗時亦凡蔡京當國。所請御筆以壞正定折杖法。法者。悉釐正之。旣而秦檜得政。動興大獄。岳飛死。大理天下寃之。已復謀陷張浚。胡寅等。獄上而檜病不能書。乃免。孝宗究心庶獄。每歲臨軒慮囚。未嘗以私廢法。舊以緝計賊者。詔遞增其數。以寬假之。理宗起自民間。具知刑獄之弊。初卽位。親製審刑

銘以警諸司。然天下之獄。不勝其酷。監司郡守。擅作威福。慘毒不可枚舉。至度宗時。雖累詔禁止之。終莫能勝也。元初。循用金律。世祖混壹區宇。乃簡除煩苛。定新律。頒之有司。號至元新格。仁宗時。又以格例條畫。有關風紀者。類集成書。號風憲宏綱。至英宗時。復命宰執儒臣。取前書而加損益焉。書成。號大元通制。大都元人議刑。多用輕典。其得在仁厚。其弊也。在手緩弛而不知檢耳。明太祖洪武元年。卽定爲律令一百四十五條。頒行天下。六年。命刑部尚書劉惟謙等造律文明年書成。其篇目一準于唐。合六百有六條。又有大誥三篇。及大誥武臣等書。唐宋所謂律令格式與其編勅。皆在是也。時帝懲元氏以寬縱失天下。立法甚嚴。臣民有犯必誅。無輕貸者。凡有貪酷縣令。許里老解赴京師。剝皮問罪。時所治逆惡藍胡之黨。株連甚衆。他吏民亦惴惴懼不免焉。永樂革除。誅奸黨尤酷。法官不無周內窮治。有所謂瓜蔓抄。而邑里爲墟矣。仁宗卽位。頒大赦于天下。復語羣臣曰。方孝孺等皆忠臣也。宜從寬典。尋詔宥其家屬還籍。仍以田土給與之。凡爲言事謫戍者。並令赦還。宣宗以皇子生。頒赦仍勅有司不得阻格。每遇法司奏要囚。輒廢御膳。顏色慘然。以手撒其牘。謂左右曰。說與刑官。少緩之。其存心仁恕如此。孝宗弘治中。頒問刑條例于天下。末年勵精圖